

antabr. in extremo actu Baibalaureoru 1663.

*Anima humana non  
traducitur.*

**M**ens genitum sit gignentis vera propages,  
An mage diuinis Cælo natalibus orta,  
Rixatur miserè Schola litigiosa : Sed illi  
Qui dicunt animam sortiri cælitus ortum,  
Soli, quod mentem deceat, sapuisse videntur.  
Qui fingunt illam terreno semine natam,  
Non pensant quæ sit Dix præstantia mentis.  
Discurrît, meminit, componit, diuidit, optat,  
Omnia scire cupit, rerum scrutatur abyssos :  
Quò vult, carpit iter, celeri velocior Euro :  
Vno longinquos momento currit ad Indos :  
Cum fit decrepitum corpus, non illa senescit,  
Sed primum retinet non deflorata vigorem.  
Hanc quisquam (cuius melior sententia menti)  
Virtutem esse putet mortali semine cretam ?  
Adde quòd (hæc quasi sit tristis peregrina) gemiscit  
Dissolui cupiens, vt tandem læta reuisat  
Natiuos illos, vnde est oriunda, penates;  
Illos nempe, quibus regnat suprema potestas.

*ERGO.*

Spiritus Humanus non est ex traduce factus,  
Sed venit à Cælo, Cælo viuacior ipso :

*Colores in Iride sunt oculi  
figmenta.*

**F**allimur? & vanos ludunt phantasmata sensus?  
An quæ puniceo Cælum curvamine signat  
Induitur veros Iris formosa colores ?  
Nil minus. Est solum lumen quod Cælicus arcus  
Ostentat nobis, sola irradiatio Solis  
In nubem oppositam: quæ cum sit rorida valdè,  
Nec sibi per totum similis; sed parte supremâ  
Subtilis paulò, mediâ mage crassa, sed ima  
Crassa tamen mage sit; quod non est, esse videtur  
Tricolor, & miserè stolidis imponit ocellis.  
Sic cum non habeat proprios maris vnda colores,  
Mentitur tales Phæbi percussa sagittis.

*ERGO:*

Credulus est oculus nimium, qui censet amictus  
Esse coloratos verè, quos induit Iris.